

KEM+ YEY+T+YANI KWIE YAM+ YEYEU KIEKA KIEKARIYAT+KA E'NA MEKIKU

E'na ta keikaritsie kiekatari me p+tekuyuruwa its+kate me m+waranuka huit+wa voto tiuyu ter+wakamek+. I'ki yam+k+y+ne pa+naime kename tayunait+ teteyurie me muhut+kanik+ yuhaikat+ its+kate, m+tin+ha ena ta kiekaritsie, meta niuki memanayetuaya, meta tsiere haixi mem+te yeyuriexime. Niuki memanayetuaya m+k+ts+ metenikuyuruwa ke a'nenet+ niuki manayeneni ta'tsin+ a't+ e'na ta kiekaritsie, m+k+meri meiti ix+arieme manenayetuayani mete y+ter+wat+ diputados meta senadores. Diputado tsixi mem+teyuter+wa m+k+ tahetsiemieme menu tiniuka meye m+ra tixaxatsiwatsie mekiku, m+k+ta haika wiyari hanuyeyeikaka meni kupatsiwa.

E'na yaxaik+a tem+teuyu hana ta kiekaritsie Mekiku, voto tsie yaxaik+a tep+ teuyuhana tayunait+. Haix+ anemek+ Diputado tsixi memanuti huwenik+ Ta Kiekari puyutaxiteke yayeyeut+ meta yaxaik+a reuyu hanat+ kiekatari wak+. Meta yaxaik+a meyu papa+memek+ mep+ te kuxata ik+ diputado tsixi. M+k+ kiekari m+xitekiet+ka p+tiyuter+wa Distrito Electoral, i'k+ta yaxaik+a kap+yeyeu tsiereta kiekatari yaxaik+a meyu papa+neme kaniware xeyiat+kani .

Xapa m+tasin+ha ene m+tika ta kiekaritsie pa+naine kenami ta kwie xitekie haika tsientuyarik+ tiyuteriwat+ Distrito, m+k+ yu xexuit+ xeime Diputado menanu kaketsa. Meta Xapa m+tikatet+ka xeniu estado m+tiyuter+wat+ katsie yaxaik+ata tsiere tinikuyuruwa ke kwieya m+ yeuka m+k+ta nitaxiteke wa hin+ata+ keikatari.

Tita tih+k+ distrito electoral

Xeit+ Distrito Electoral kana n+y+neni kwie yayeut+ kiekatari hetsiena tematei yaxaik+a katineuyu hanat+kani, kiekatari wak+, meta yaxaik+a meka niyupapa+meni. E'na xeniu manati neikani diputado tsixi Kiekatari mani waranuka huit+wani, yaxaik+a meyu papa+neme kiekatari wak+ maniuti niukani

Tita tih+k+ Distritacion Electoral

I'k+ yameti yuriexime Instituto Nacional Electoral mex+kat+ni (INE) aix+ tiyurienike kwie kiekari yat+ka, yaxaik+a yeyeume kanitimana+k+, e'na ta kiekaritsie a m+yewatsie meta yak+ m+yeyeutsie.

Titak+ tiyu naki e'rie

M+ya tiniyuriene i'k+ yaxaik+a teyu papa+met+ kiekatari temu kutet+kani, meta yaxaik+a tem+teu yuhanani tayunait+ e'na kiekaritsie tem+ tahama .

Titayari reuyewetse Distritación Electoral

I'k+ peuyewetse tsiet+ tame kiekatari tem+ yewewere, hipat+ mehe m+tinunuiwa hipat+ mehe m+takukuwe, mex+kat+ni haxeik+a mem+ kakutet+ka memu yukupata, i'ki yak+yunekaku kwie m+kiekariyat+ka yaxeik+a kiekatari tep+ka yupapa+me hipat+ tsimem+ yutipapa+mere hipat+ taha hamem+ yutipapa+mere ayumieme axakan+k+y+nemi. ayumieme mekani tihix+ar wani keteyu papa+met+ temukutet+ka xika yaxeik+a teyu papa+met+ni.

Kepa+ tiuyukunat+kani uk+ i'k+ distritación


Kwie m+kiekariyat+ka aix+ p+ti hit+arieni meiti ix+arieme x+ka kiekatari yaxeik+a meyupapa+meni, x+ka kwie municipio m+tiuyu ter+wa x+ka yaxeikia pa+meme kiekatari ware xeiyaní meta aix+ anet+ x+ka hayeikani, tsiere x+ka naime rexeiyaní niuki huye a'weme, naime titi xexeiya ke m+tiu a'ne, meta x+ka e'na yeme kiekatari mana teta makaha, i'k+ muyuti n+n+we, yaxeik+ats+ tem+ teuyu hananik+ meta tsiere temuyu tihuit+wanik+.

Kepauka p+tiy+aneni meta kepa+ meitiyuriet+yani

I'ki wiyari temuti hutsie meta mana maka mietsie INE i'k+ uximayatsika piyehanat+yani mat+ari meri t+apa m+raye wiyat+katsie meta tsiere kwie yak+ m+yeutsie estado m+tiuyu ter+wat+ka tasiet+ri Baja California Sur, Campeche, Colima, Chiapas, Ciudad de Mexico, Guanajuato, Guerrero, Jalisco, Mexico; Michoacan, Morelos, Nuevo león, Queretaro, San Luis Potosi, Sonora, Tabasco y Yucatan.

Kwie yak+ m+yeyeutsie Entidad Federativa patinex+ani foro tiyuter+wat+ tatsiet+ri mana m+ratixatsieni ik+tsie, INE i'k+ niuki mana kaneyetum+k+ its+kate memuwet+ka meta kiekatari waha h+xie.

I'k+ huximayatsika yame kuyuriet+, tame h+arime ena yeme kiekatari INE kata nita iwawiyam+k+ kepa+ waniu teteku eriwa i'k+ hetsie miemek+, hakiewa tem+ tayewiya meta hakiewa teme tahaxeni kiepauka ta its+kate tem+ waranuka huit+anitsie.



Kiepauka pahatineni meta kiepa+ yey+t+yani hik+ iaurika.

I'k+ iaurika puyu yehanat+yani kiekarai wahets+a, meta ratinex+ani xatsika taha hetsiemieme e'na yeme kiekatari taha ukitsiema mex+kat+ni taha its+kate mep+teyurieni mana yuniuki mekani yetuakuni. Mana taha katini tixatsiem+k+ kiepa+ mem+ tawiyat+ka kiekarite temanu tet+katsie, ux+mayatsika me mahana , mat+arimeri m+k+ yuniuki maniyetuakuni.

M+ya tiy+y+ hari kiekieta itsikate yeme e'na kiekatari i'k+ huximayatsika maniti hix+ariem+k+, yame yume yuniuki meka niwaran+ airiem+k+ INE. i'k+ri heutipareyu uximayatsika iaurika INE niuki kanana yetuam+k+ hekwame kiepa+ m+y+x+a kwie m+keikariyat+ka, m+ya y+yu etsiwa yaha katewayu meka nita in+atam+k+x+ka aku xaix+ h+y+x+ani.

Haixi anemek+ i'k+ iaurika meyu yehanat+yani yeme e'na kiekatari wahets+a, INE kaniyuta pariewiem+k+ INALI Mat+a meta xeniu m+ti parewie CDI.

Kiem+ ane mep+ h+ari i'k+ iaurikatsie.

E'na yeme kiekatari, wa its+kate meta waha ukitsiema mep+te kak+ne

Keneu ta i'wau, tayunait+ tep+ h+arini ta kiekari aixi m+ anenik+, tine parewieka